

यूहन्ना ह ए तीसरा चटिठी गयुस नांव के कलीसिया के एक अगुवा ला लिखे हवय। लिखइया ह गयुस के बड़ई करथे, काबरका ओह आने मसीहीमन के मदद करे रहिसि। यूहन्ना ह ए चटिठी के पढ़इयामन ला दयितुरफिस नांव के मनखे ले सचेत रहे बर घलो कहथि।

ए चटिठी ला खाल्हे लिखे भाग म बांटे जा सकथे।

जोहार 1-4

गयुस के बड़ई 5-8

दयितुरफिस के गलत काम 9-10

देमेतरियुस के बारे म बने बात 11-12

सार 13-15

1 में कलीसिया के अगुवा, अपन मयारू संगवारी गयुस ला ए चटिठी लिखित हंव, जऊन ला मेंह सच्चा मया करथंव।

2हे मयारू संगी, मेंह पराथना करत हंव कि तेंह भला चंगा रह अऊ हर एक बात म तोर भलाई होवय, जइसने कि तेंह आतमा म सही अस। 3मेंह आनंद ले भर गेंव, जब कुछू भाईमन आईन अऊ ए गवाही दीन कि तेंह परमेसर के सत बचन म चलत हवस। ओमन बताईन कि तेंह कइसने परमेसर के सत बचन के मुताबकि जनिगी बतावत हस। 4एकर ले बड़के मोर करा अऊ कोनो आनंद के बात नई हो सकय कि मेंह ए सुनंव कि मोर लइकामन परमेसर के सत बचन के मुताबकि चलत हवय।

5हे मयारू संगी, तेंह ओ काम म बसिवास लइक ठहरि हस, जऊन ला तेंह भाईमन बर करत हवस, खास करके जब ओमन तोर बर अनजान अंय। 6ओमन कलीसिया ला तोर मया के बारे म बताय हवय। तेंह अइसने कर: ओमन के आघू के यातरा के अइसने परबंध कर कि परमेसर ह खुस होवय। 7काबरका

ओमन मसीह के सेवा म नकिरे हवय अऊ मसीह ऊपर बसिवास नई करइयामन ले एमन कुछू नई लेवय। 8एकरसेती हमन ला अइसने मनखेमन के सेवा-सतकार करना चाही, ताका हमन परमेसर के सत बचन खातिर एक संग काम कर सकन।

9मेंह कलीसिया ला लिखे हवंव, पर दयितुरफिस, जऊन ह ओमन के मुखिया बने चाहत हवय, मोर बात ला नई मानय। 10एकरसेती जब मेंह आहूं, त ओ बातमन ला बताहूं जेला ओह करत हवय। ओह हमर बदनामी करत हवय। ओला एकर ले संतोस नई होईस, त ओह भाईमन ला गरहन घलो नई करय, अऊ जऊन मन भाईमन ला गरहन करे चाहथें, ओह ओमन ला मना करथे अऊ ओमन ला कलीसिया ले नकार देथे।

11हे मयारू संगी, बुरई के नई पर भलाई के नकल कर। जऊन ह भलाई के काम करथे, ओह परमेसर के अय, अऊ जऊन ह बुरई के काम करथे, ओह परमेसर ला नई जानय। 12देमेतरियुस के बारे म जम्मो झन बने बात कहथि—अऊ त अऊ सत ह खुद एही कहथि। हमन घलो ओकर बारे म बने बात कहथिन, अऊ तेंह जानथस कि हमर गवाही ह सही ए।

13मोर करा तोला लिखे बर कतको बात हवय, पर मेंह कलम अऊ सियाही ले लिखे नई चाहत हंव। 14मोला आसा हवय कि तोर संग जल्दी भेंट होही अऊ तब हमन एक संग बईठके गोठियाबो।

15तोला सांती मिलिय। इहां के संगवारीमन तोला जोहार कहत हवय। उहां संगवारीमन ला नांव ले-लेके मोर जोहार कहीदेबे।